

**Razvojna banka Federacije
Bosne i Hercegovine
Predsjednica Uprave**

Broj: 9692-III/23
Sarajevo, 22.08.2023. godine

Na osnovu člana 72. stav (3) tačka a) Zakona o javnim nabavkama ("Službeni glasnik BiH", br. 39/14 i 59/22) i člana 20. Statuta Razvojne banke Federacije Bosne i Hercegovine, u otvorenom postupku javne nabavke novih računara za potrebe Razvojne banke Federacije BiH, Predsjednica Uprave Razvojne banke Federacije BiH donosi

ODLUKU

o dodjeli ugovora trećerangiranom ponuđaču u postupku javne nabavke novih računara za potrebe Razvojne banke Federacije BiH

Član 1.

Ugovor za nabavku robe-novih računara za potrebe Razvojne banke Federacije BiH dodjeljuje se trećerangiranom ponuđaču „INTER-COM“ d.o.o. Zenica, ul. Vrandučka 71/b, 72000 Zenica, sa ponuđenom cijenom u iznosu 104.000,00 KM bez PDV-a, što u konačnici, s uračunatim PDV-om, iznosi 121.680,00 KM, čija je ponuda treća po rang listi nakon e-aukcije.

Član 2.

Ovom odlukom stavlja se van snage Odluka o dodjeli ugovora drugorangiranom ponuđača broj: 8157-III/23 od 13.07.2023.godine kojom se Ugovor za nabavku novih računara za potrebe Razvojne banke Federacije BiH dodijeljuje ponuđaču "ELUR" d.o.o. Kiseljak.

Član 3.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o nabavci i pokretanju postupka javne nabavke novih računara za potrebe Razvojne banke Federacije BiH broj 3227-III/23 od 27.03.2023. godine, pokrenut je postupak javne nabavke novih računara za potrebe Razvojne banke Federacije BiH.

Javna nabavka je provedena putem otvorenog postupka javne nabavke, a kriterij za dodjelu ugovora je najniža cijena.

Obavještenje o nabavci predmetne robe objavljeno je na Portalu javnih nabavki dana 28.03.2023. godine, broj obavještenja: 1011-1-1-66-3-19/23 (objava u „Službenom glasniku BiH“ broj 22/23).

Tenderska dokumentacija objavljena je zajedno sa navedenim obavještenjem.

Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda (poslije e-aukcije) broj: 5477-XI/23 od 15.05.2023. godine.

Nakon žalbe ponuđača i na osnovu rezultata ponovnog pregleda i ocjene ponuda Komisija je sačinila Zapisnik o ponovnom pregledu i ocjeni ponuda i broj: 7280-XI/23 od 22.06.2023.godine. Na osnovu preporuka Komisije za nabavke iz Zapisnika ugovor za nabavku robe-novih računara za potrebe Razvojne banke Federacije BiH dodijeljen je prvorangiranom ponuđaču „DIGITARIJA“ d.o.o. Sarajevo, ul. Zmaja od Bosne 14c, 71000 Sarajevo.

Prvorangirani ponuđač DIGITARIJA d.o.o. Sarajevo, Zmaja od Bosne broj 14C, Sarajevo zaprimio je dana 27.06.2023.godine Obavještenje o rezultatima postupka broj: 7328-XI/23 od 23. 06.2023.godine zajedno sa Odlukom o izboru najpovoljnijeg ponuđača broj 7327-III/23 od 23.06.2023. godine, Zapisnikom o ponovnom pregledu i ocjeni ponuda broj 7280-XI/23 od 22.06.2023. godine i Izvještaju o toku i završetku e-aukcije.

Ponuđač u ostavljenom roku nije dostavio tražene dokumente iz člana 45. Zakona o javnim nabavkama, odnosno nije u roku do 5 (pet) dana od dana zaprimanja obavještenja dostavio dokaze o kvalificiranosti iz tačke 11.2. tenderske dokumentacije, odnosno originale ili ovjerene kopije dokumentacije ne starije od tri mjeseca iz tačke 11.2. tenderske dokumentacije.

Također, ponuđač je dana 13.07.2023.godine putem e-maila obavijestio Ugovorni organ da nisu u predviđenom roku poslali tražene dokumente po članu 45.ZJN jer nisu u mogućnosti ispoštovati rok isporuke čime su odustali od dalje procedure vezano za potpisivanje i realizaciju ugovora.

Ugovorni organ je u skladu sa članom 72. stav (3) tačka a) Zakona o javnim nabavkama ("Službeni glasnik BiH", br. 39/14 i 59/22), dodijelio drugorangiranom ponuđaču ELUR d.o.o. Kiseljak, ul. Žrtava domovinskog rata 2, Kiseljak, sa ponuđenom cijenom u iznosu 68.240,00 KM bez PDV-a, što u konačnici, s uračunatim PDV-om, iznosi 79.840,00 KM, čija je ponuda druga po rang listi nakon e-aukcije.

Odluka je objavljena na web stranici i istovremeno ist upućena svim ponuđačima koji su sudjelovali u ovom postupku.

Rok za izjavljivanje žalbe na predmetnu odluku je bio 10 (deset) dana od dana prijema Odluke.

Razvojna banka Federacije BiH zaprimila je 20.7.2023. godine žalbu i zahtjev društva PING d.o.o. Sarajevo za poništenje odluke broj 8157-III/23 od 13.7.2023. godine i ponovno zakazivanje e-aukcije, te je ista sa izjašnjanjem i dokumentacijom/dokazima upućena na odlučivanje Uredu za razmatranje žalbi- Filijala Mostar.

Ured za razmatranje žalbi je Zaključkom broj: JN2-03-07-1-1926-7/23 od 16.08.2023. godine odbacio žalbu ponuđača Ping d.o.o. Sarajevo kao neurednu.

Drugorangirani ponuđač ELUR d.o.o. Kiseljak nakon prijema Odluke o dodjeli ugovora drugorangiranom ponuđaču broj: 8157-III/23 od 13.7.2023. godine je bio dužan dostaviti originale ili ovjerene kopije dokumentacije iz čl. 45. i 47. ZJN, ne starije od tri mjeseca od dana dostavljanja ponude ili zahtjeva za učešće, u roku od 5 (pet) dana od dana zaprimanja Odluke, ali u ostavljenom roku iste nije dostavio.

Također, ponuđač je dana 22.08.2023. godine putem e-maila obavijestio Ugovorni organ da dobavljači nisu u mogućnosti isporučiti opremu (računare) koja je predmet nabavke po cijenama iz ponude, te su time primorani odustati od potpisivanja ugovora.

Iz navedenih razloga, u skladu sa članom 72. stav (3) tačka a) Zakona o javnim nabavkama ("Službeni glasnik BiH", br. 39/14 i 59/22), kojim je definisano da Ugovorni organ dostavlja prijedlog ugovora onom ponuđaču čija je ponuda po rang- listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ, te da niti drugorangirani ponuđač nije dostavio dokumentaciju iz čl. 45. i 47. ovog zakona, odlučeno je kao u članu 1. ove odluke, te se ugovor za nabavku novih računara za potrebe Razvojne banke Federacije BiH dodjeljuje trećerangiranom ponuđaču „INTER-COM“ d.o.o. Zenica, ul. Vrandučka 71/b, 72000 Zenica, sa ponuđenom cijenom u iznosu 104.000,00 KM bez PDV-a, što u konačnici, s uračunatim PDV-om, iznosi 121.680,00 KM, čija je ponuda treća po rang listi nakon e-aukcije.

U skladu sa naprijed navedenim, odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97., 99. i 101. Zakona. Žalba se podnosi u najmanje 3 (tri) primjerka.



Predsjednica Uprave

Mersina Stipicevic
Doc.dr.sci. Mersina Stipicevic, dipl.oec.

Dostaviti:

- Učesnicima u postupku